



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thesavrvs Sacrorvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuißimiè explicantur

Gavanti, Bartolommeo

Antverpiæ, 1634

Concordia Martyrologij Romani cum Breuiario Romano.

urn:nbn:de:hbz:466:1-40244

C O N C O R D I A
M A R T Y R O L O G I I
R O M A N I
C V M
B R E V I A R I O R O M .

*Videntur multa pugnare cum Martyrologio Romano,
quæ tamen re vera non pugnant; & idcirco ea ob ocu-
los ponere hoc loco volui, ut appareat in sensu concor-
dia quæ latet in verbis.*



TAQVE *Januarij die 19. li-
cet in Martyrologio habeas
hæc verba, Martha in
Nympha necata est, ceteri
sunt decollati; & in Breuiario hæc alia,
Ducti in eum locum, qui Nymphe di-
cebatur, necantur; ac primum Mar-
tha, mox ceteris ceruices absconduntur;*
ne tamen dicas: Ergo Martha quoque
decollata fuit. Nam in Breuiario men-
dum irrepsit Typographi incuria: le-
gendum enim est *Martha*, non *Mar-
the*, quod vltimò est emendatum; &
erit sensus: Necantur omnes, ac pri-
mùm Martha necatur; mox ceteri sunt
decollati, seu, quod idem est, ceteris
ceruices absconduntur.

*Eiusdem die 22. in Martyrolog. 70.
socij S. Anastasij in fluenta sunt demer-
si, at in Breuiario videntur decollati.
Vna, inquit, cum 70. alijs securi percus-
tuntur. Nihilominùs concordant textus,
si legas periodum cum legitima di-
stinctione; Mox à Persis varijs cru-*

*ciatibus affectus à Rege Chosroa vna
cum 70. alijs. & hoc verum est, quia in
fluenta & hi demersi sunt ante obitum
S. Anastasij, iuxta Martyrologium:
Anastasius deinde solus securi percus-
tuntur, quod asserunt Breuiarium &
Martyrologium.*

*February 6. Martyrologium docet,
Dorotheam passam sub Sapphicio, Bre-
uiarium sub Apricio: verùm utroque
nomine vocabatur Præses apud Hi-
stóricos. Sicut Aprion, Tentyrorum
Episcopus, in Vita S. Pachomy appel-
latur Sapphion à S. Athanasio Apolog. 2.
de Fuga sua; & apud Italos, Luigi, A-
loisio, Ludouico, quæ sunt idem. &
hoc semel adnotasse, sit satis pro locis
etiam memorandis infra.*

*Aprilis 14. Tiburtius & socij in
Martyrologio gladio percussi sunt,
more nobilium; in Breuiario, securi
feriuntur, more seruorum. Sed apud
Scriptores utroq; modo explicari solet
idem genus mortis, hoc est, decollatio.
Ibidem.*

Ibidem. *Almachius & Amachus* videntur differre; at vnum est & idem pomen, vt supra diximus, *Februarij 6.* in casu simili vnus littera addita.

Eiusdem die 17. Martyrologium in Aniceto nominat persecutionem *M. Aurelij Antonini & Lucij Veri;* Breuiarium meminit tantum *M. Aurelij Antonini.* Quis autem sentiat, contraria loqui eos, quorum alter tacet quod alter dicit? passim id accidit in Euangelijs; quorum est mira concordia.

Eiusdem die 26. licet in 6. Lectione Breuiarij legas, *Imperatorem adit,* ne putes tamen eum esse Diocletianum, de quo in præcedenti Lectione; sed Maximianum, de quo hac die in Martyrologio.

May 1. Philippus in Martyrologio apud *Hierapolum Asia* moritur; in Breuiario, apud *Hierapolum Phrygia.* hæc autem est minoris Asiæ regio. Quid obijcies?

Eiusdem 2. obiisse dicitur Athanasius in Martyrologio tempore *Valentiniani, & Valentis;* in Breuiario, sub *Valente:* vtrumque tamen verum est, vt patet, tacito alterius nomine.

Eiusdem 3. Alexander Papa in Martyrologio multa patitur ante peremptionem, neque vlla est ibi mentio decollationis; in Breuiario dicitur securi percussus, omisiss præuijs alijs tormentis. Sed conciliantur hæc loca facile: quia breuius in Breuiario, fusiùs in Martyrologio de eo & socijs agitur; & alter textus alterum explanat in genere mortis & peremptionis instrumento.

Eiusdem 12. Videbantur hæc contraria: in Martyrologio, *pridie huius diei corpora SS. Nerei, &c. fuere trans-*

lata; in Breuiario legitur, *Hac die.* Explica Martyrologium, quod in primis Vesperis Festi (& re vera ita factum est) quæ primæ Vesperæ attinent ad hanc diem Festi, more Ecclesiastico. Præterea, Hac die recondita sunt corpora, quæ pridie fuerunt translata: & hic est sensus verborum Breuiarij.

Eiusdem 27. S. Ioannes Papa dicitur in Martyrologio *diu maceratus in carcere;* & in Breuiario, *paucis diebus cessisse e vita:* hoc est, post diuinam macerationem; breui morbo adueniente, vitam finiuit.

July 9. In Martyrologio, Promotus in martyrio SS. Primi & Feliciani dicitur *Præses;* in Breuiario, *Prætor:* at vtrumque titulum legimus apud Historicos in Promoto.

Eiusdem 12. Basilides & socij moriuntur in persecutione *Diocletiani & Maximiani,* si Martyrologium legas: diuisim vtrumque leges in Breuiario; quia in persecutione *Diocletiani* torti sunt à *Maximiano,* & vtriusque vna fuit persecutio.

Eiusdem 18. A Fabiano *iudice,* inquit Martyrologium, tenti sunt Marcus & Marcellianus; à Fabiano *duce,* ait Breuiarium. Quid dubitas? Dux ipse militum fuit iudex. *Ibidem* leges, *lanceis, telis.* Vide infra *Decemb. 21.*

July 10. Septem fratres in Martyrologio, sub *Antonino Pio;* in Breuiario, sub *M. Aurelio Antonino.* Vna verò fuit amborum persecutio.

Eiusdem 18. Filij S. Symphorosæ ad *trochleas* extenduntur in Martyrologio; ad *palum* alligati dicuntur in Breuiario. Lege *Adonem,* qui de iisdem scribens 27. *July* ait: Imperator iussit septem figi stipites, ibique filios ad trochleas extendi. non ergo ea loca pugnant.

Eius-

Eiusdem 27. Pantaleon à *Maximiano* tentus, in Martyrologio; à *Diocletiano* Nicomediae, in Breuiario. Tu explica de Maximiano Galerio, qui apud Diocletianum erat; non de Maximiano Herculeo, qui Mediolani degebat.

Augusti 2. in Martyrol. fit mentio *Valeriani* in martyrio Stephani Papa, non autem *Gallieni*: de quibus in Breuiario. Vna tamen erat eorum persecutio.

Eiusdem 25. *Astyagis Regis* iussu. ita Martyrologium de obitu S. Bartholomæi. Dicitur autem in Breuiario, quod *Astyages* erat frater *Polimij Regis*; ergo non erat Rex. potuit tamen esse Rex etiam ille, & frater Regis.

Septembris 14. *Cornelius* in persecutione *Decij* decollatur in Martyrologio; *Gallo* & *Volusiano* Imperatoribus obit in Breuiario. An perduravit persecutio *Decij* vsque ad Gallum & *Volusianum*? indixit eam *Decius*, renouauit *Volusianus*, ex *Baron. in Annal. anno Christi* 255.

Eiusdem 19. In martyrio S. Ianuarij meminit *Diocletiani* Martyrologium; addit *Maximiani* nomen Breuiarium. sed iam diximus eandem fuisse persecutionem. Et eodem modo

conciliabis textus in Festo SS. *Cosmae* & *Damiani*, 27. *eiusdem*.

Octobris 9. *Dionysius* in Martyrologio à *Fescennino gladio* animadueritur; in Breuiario à *Fescennio securi* percutitur. Duplex varietas, in nomine iudicis, & in instrumento martyrii; sed recole quæ supra diximus ad diem 6. *Febr. & 14. Aprilis*.

Eiusdem 26. *Euaristus* in Martyrologio, sub *Adriano*; in Breuiario, sub *Traiano*: sed coronatur, ait, sub *Adriano*; Pontificatum gessit sub *Traiano*. hoc est: Septem annos sub *Traiano* rexit *Ecclesiam*, anno secundo *Adriani* martyr occubuit, *Baron in Annal.*

Decemb. 21. S. *Thomas* in Martyrologio prædicat Euangelium *Hircanis* & *Brachmanis*; in Breuiario, *Hircanis* & *Bactris*. Vtrumque tamen verum est, & *Brachmanis* in *India*, & *Bactris* in *Scythia* prædicauit.

Ibidem Martyrologium tradit, quod *lanceis* transfixus fuit; Breuiarium, quod *telis* confossus. An, quia telum est omne id quod manu iaci potest, inde commune fit nomen lanceis, & similibus alijs armorum generibus? nulla igitur in prædictis discordia; sed omnia consona in sensu, si minus in verbis.

